

LVDOVICI

XIII

IVSTI

FRANCIAE, ET NAVARRAE

REGIS CHRISTIANISSIMI

LAVDATIO FVNEBRIS


Habita Romæ

IN TEMPLO DIVI LVDOVICI

Nationis Gallicane

A IOANNE LAGAR

SOCIETATIS IESV.



J. M. C.

ROMÆ, Typis Hæredum Corbelletti. MDCLII.

Superiorum permisso.

LVDOVICI

XIII

IVSTI

FRANCIAE ET NAVARRAE

REGIS CHRISTIANISSIMI

LAVDATIO TENERIS

Habita Roma

IN TEMPO DNI LVDOVICI

Nationis Galliae

A IOANNE LAGAR

SOCIETATIS IESV.



A. M. C.

ROMAE, Typ. Hædæi Confilii, 1644.

Guillelmo Pagnino.

ILLVSTRISS.^{mo} ET REVERENDISS.^{mo} D.

3

D. A M A T O

D V N O Z E T

S A C R A E R O T A E

D E C A N O.



EFFELLERE nos vota (Vir Illustrissime.) In efformando LV. DOVICO defudauimus Galli, quæ operum magnificencia, quæ sermonis industria: sed conatu vtrinque gloriosè irritò: labores enim uero nostros longè transcendit principis sibi vni similis magnitudo. Ereximus illi Mausoleum diues, nobile, Augustum; templum, penè dixerim, meruit: Pantheon quippe, & omnium virtutum domicilium extitit. Virtutes quatuor principes illi statuimus; pars hæc tantum fuit domestica familia; capiendò reliquo comitatu locus fuisset angustior. In emblematis cum Heroibus illum contulimus; in se omnes collegit. Ut penicillo succurreret calamus, exarauimus encomia, congefimus elogia, scripsimus epinicia; Europam interroga, vixit gloriosior. In vita pariter ac morte fortem aequè ac religiosum, oratione adumbravimus; famam consule, maior assurrexit.

A 2

Post

Post hæc omnia adhuc errauimus : sed feliciter , & culpa ignoscenda : sciunt quippe imbecillis , dum faciunt quod in se est , ignoscere magni Manes : diuissimus enim , O nos profecto parum industrios , diuissimus L V D O V I C U M , maximum Principem per paucos dissimulamus , totum nequaquam expressimus . Nihilominus nobis felicem errorem , qua L V D O V I C I est gloria , gratulor , gaudeoque , quod , etsi nulli peperimus opera , totus tamen fingi nequiuert . Fecimus quod in nobis fuit : ceterum si totus pingi voluit , talis esse tantusque non debuit . Lactura interim nostra calum discescat , damnis nostris locupletetur eternitas , & , quando ita superis L V D O V I C V S placuit , ut cum nobis inuiderint , gaudeant Principe virtuti simillimo . Tu verò (Vir Illustrissime) habe hoc illius encomium , si non arte , certe materia preciosam . Cui enim equitas V S T I Principis laudatio debeat , quam equitatis apud Romanos patrono , Themidis fautori , iusticia præstiti . Nolim tamen ex tam tenui opere , vel meâ in te obseruantiam , vel V S T I Principis magnitudinem aestimes : siquidem illius mensura erit ætas mea , istius sola eternitas . Vale .

Illustrissimæ Dominationi Tux

Addictissimus

Ioannes Lagax Societatis Iesu :

L V x



LVDOVICI XIII.

I V S T I

FRANCIAE, ET NAVARRAE

REGIS CHRISTIANISSIMI

Laudatio Funebris .



ICISTIS tandem superi ;
inexorabile cælū fuit ; matu-
rā virtutem invidit æternitas.
Audit. ò spes inanes, ò irrita
vota, ò fallaces cogitationes!
proh dolor importunè tribu-
tum exegit natura ; cecidit
expectatus seculum integrum .

bellator ; Christianæ religionis columen eversum
est ; spes orbis totius publica defecit ; Sol Galli-
cus medio in cælo laboravit : denique, refugit ani-
mus meminisse , tunc cum supra invidiam , & citra
meritum , in speculis fati, & fortunæ staret in apice,

A 3 maxi-

maximus ille huius ætatis Alcides **LVDOVICVS**
 naturæ succubuit. Quæ clades ita repens, & ino-
 pina, mihi nihil caducum tam excelsò in rege co-
 gitanti, adeo ab eius meritis esse videtur aliena: ut
 quamvis funebrem pompam, cenotaphij molem,
 lugubres tædas, atratos parietes, & vestrum om-
 nium vultus ad dolorem compositos præsens aspi-
 ciam; egoque ipse nunc temporis tristi laudatoris
 officio perfungar: adhuc tamen oculis diffidam,
 veniat in mentem dubitare, & hallucinari me pu-
 tem. Ita est nihilominus, ita est, & hæc frustra sibi
 amoris sui simulachra fingit mouetque incredulus
 animus: vester ò Galli Rex, ò Romani defensor,
 ò aræ, ò sacra, propugnator extinctus est; &
 quo nuper in templo pro illius triumphis gratia-
 rum supplicationes instituebamus, in eodem ma-
 gnis ipsius Manibus parentamus. Quare sufficiat
 hodiernæ nostrum omnium consolationi, quando
 huc maximo Principi extrema officia reddituri con-
 uenimus, & vltima vitæ periodus iudex cæterarum
 esse consuevit, cogitare, illius mortem expressam
 fuisse imaginem, quæ eius vitæ virtutes singulas
 numeris omnibus adumbrarit, & **LVDOVICVM**
 morientem his duabus, quæ in ipso eminebant vir-
 tutibus, fortitudine scilicet & pietate, sibi adhuc
 valenti, vegeto, atque florenti fuisse simillimum.
 Proh quantum in fortitudinis palæstra collegit
 puluerem **LVDOVICVS**. Quoties in hoc thea-
 trum

crum insitum animo robur tentaturus descendit ; toties tam exercitato pugili orbis totus spectator applausit ; & festis lætitiæ clamoribus victorem adeo fortunatum triumphis omnibus superiorem prædicavit . De multis duo certamina colligam, in quorum altero de fortunæ inuitamentis fortiter, in altero de perfida Hæreticorum impietate generosè : in utroque tandem de seipso gloriosè triumphauit.

In primis quidam quò peregrinos hostes nullo labore conficeret, primum domesticis certamen indixit . In regibus libertas maxima : licere sibi putant quidquid libet : ad vitia , quibus sunt proximi, à quibus tamen esse debent alieni , adulatio placidè sollicitat, authoritas acriter stimulat, & quæ semper illorum in manu sunt, mollia ipsa temporum arbitria violenter incendunt. Illis quidem maxima virtutis est copia , nullius tamen rei maior est quàm peccandi licentia : quare illis assiduam cum vitijs certamen instat , in quo eum qui vicerit non ego cum summis viris comparo ; sed ipsis superis simillimum iudico . Qualem ergo te quantumque prædicabo L V D O V I C E ? qui tui iuris, & arbitrij, inter tot molles peccandi aditus, tot lenocinantes vitiorum illecebras, & in tam lubrica regis tuæ ætatis teneritudine, indolis lenitate, dignitatis potentia adeo non succubuisti : vt ne vel oculis quidem delibata pulchritudine constanter suauissimos teneritæ palæstræ conatus sustinueris ; &, si veritati

seruiat oratio, raro castitatis exemplo mentem Vestali simillimam conseruaris. Animo intacto, conscientia illibata, cogitatione integra, vita immaculata. Nihil ob oculos molle, nihil non castum auribus, in aula denique, nec verba, nec mores passus prætectatos. Nihil fingo Aud. hoc Gallia prædicat, exteri suspexere, & ipsi oculi peregrini testantur. Non Constantini domus religiosior, non Theodosij regia moderatior, non, penè dixerim, Davidis aula Sanctior.

Per me ergo licet, legant alij tuæ fortitudinis vestigia, tot locis impressa, tot trophæis erecta, tot nobilitata victorijs: persequantur ea altè signata Oceano, Mediterraneo, montibus, rupibus, Alpibus, Pyrenæis: nã illi longiùs enimuero peregrinantur: Deus me adiuuet nisi ego in aula tua, & intra teipsum maiora tuæ fortitudinis monumenta detexerim: illic enim vicisti hostes numerosos, cautos, potentes; apertè tamen infensos: & ea victoria, cuius laudem, occasio, milites, & Fortuna participant: hic verò sola tui pectoris virtute nixus, (quod vincendi genus longè præclarior est atque diuinus) domuisti hostes multitudine innumerabiles, fraudibus præstigiatores, vincere assuetos, ad speciem amicos. O animi robur inuictum, o præstantiam admirabilem, immò ò *LU DO V I C I* fortitudinem numeris omnibus absolutam.

Enimuero altitudinem animi, fiduciam, tolerantiam

tiam, quæ fortitudinis partes sunt, si desideras; tantum arcem impietatis Rupellam cogita. Illic elucescit mirum quantum sublimis animi celsitudo: cum arduum illius obsidendæ consilium, astupendum aggeris opus, sudatæ maris habenæ, & rebellis ciuitatis extorta tandem deditio memorantur. Illic non mediocriter eminet fiducia, cum in tam difficilibus inceptis quæ olim plurimorum regum potentiam eluserant: nihil tamen unquam **MARS ILLE GALLICVS**, cælo auspice, superisque patrocinantibus de sua virtute diffidit. Illic mirificò se prodit, & emicat tolerantia, qua castrorum incommoda placidè temporis iniurias patienter, aeris inclementiam moderatè, impietatis pondus strenuè, Hæreseos impetum animosè sustinuit: eo tantum consilio, ut templorum euersores deleteret, religionis hostes opprimeret, ipsamque impietatem intra insanas illas perfugij sui molitiones extingueret. Quid dico: cum ipsa ad fortitudinem clementia pertineat, grassantem quidem perfidiam atque improbitatem compressit: sed tamen ut de seipso gloriose triumpharet, rebellibus domitis indulgentia planè singulari pepercit. Illi diuinæ fortitudini debemus, Benearniam captam, Occitaniam ab errore purgatam, montes Albanum & Pessulanum deditos, & alia innumera bellorum maxima felicitate gestorum decora; quæ, quando ea satis superque, quæ patet orbis, fama virtusque vulgarent, liben-

tiffimè prædimitto, ne dum fortitudini nimis immoror, siam injurius pietati.

Illam itaque pietas, L V D O V I C O, ubi primum parentis in utero vitam hausit, custos tutelarum est tradita: ideoque velut individua comes illius lateri continenter adhæsit. Semper illi præstò adfuit, in conclavi, in templo, in castris. Oranti altitit; assedit laboranti, cū illo periechtata est. Et quoniā principem bellicosissimum illa magistra cælestis erudiendum susceperat; illi duobus tantum præceptis compendiosum ad securam felicitatem iter adornavit. Alterum ad ineundam vitæ domesticæ rationem principe dignam; alterum ad felicem bellorum administrationem pertinebat.

Quare hoc primum regio alumno, quatenus principi, altè pectori documentum infixit. Cogitaret quotidie sacram esse regum maiestatem, Deoque proximam atque simillimam: ideoque in se Deum exprimere, quoad fieri posset, ipsius Dei cultu, & vitæ integritate contenderet. Cuius præcepti benè memor PRINCEPS RELIGIOSISSIMVS, nullum vitæ diem auspicatus est, quin, ubi primum excitatus è somno sese erexit in pedes, præsentem numinis & Virginis opem affusus imploraret: nullum passus est abire men sem, quin, ritè absterfis conscientiæ maculis, cælestibus epulis religiosè pasceteretur: nullum cadere diem, quin, licèt grauillimis regni negotijs, & difficillimis bellorum

consilij teneretur : tamen, ò singularem pietatem! sanctissimis incruenti sacrificij mysterijs interesset : ea oculorum modestia , ea corporis compositione , eo animi sensu, vt spectantium mentibus maximum rerum diuinarum amorem ingeneraret. Quid ultra desiderares in homine qui perfectæ sanctitatis apicem mediteretur. Omitto quòd ex integritate viuendi Iusti cognon^{ti} inuenerit: quod subcelsis horis carmen aliquod musicū in Deiparæ cōmendationem exararit : quod quotidie , (volutet Cyri pædiam Africanus , cum suo dormitet Homero Pellæus Macedo) animum pij alicuius voluminis lectione refecerit . Taceo denique Delphinem aureum , & adamantinas coronas, quæ diuinis ædis Lauretanæ tholis non leue pietatis monumentum appendit. Mihi tamen prætermittere nefas est templum illud splendidum quod nobis in vrbe Galliæ Principe regia magnificentia collocauit. Atque hic ingratus plane sum , nisi prolixam illam quam toties nostræ Societati publice beneuolentiam nauauit , publica etiā grati animi significatione coluero . Et verò ita sibi sua in illā beneficia successerunt, vt nobis facultatem ademerit ea censendi præ numero , & æstimandi præ animo . Ecquis dignè L V D O V I C I cor æstimet? illud tamen pretiosissimum amoris in nos sui pignus nostræ Societati legauit ; cuius ne vel imminente morte videretur oblitus, moriens, illam, vt rem sibi charissimam, enixè , Reginæ , Ducique

Au-

Aurelianeſi maximis principibus commendauit . Denique, quando indolis erat Martia, & bellorum futurus arbiter LVDOVICVS, hoc alterum pietas, quò bellorum exitus è ſententiã ſuccederent documentum adiunxit . Meminiſſet in manu Dei eſſe victorias, eaſque de cælo, vnde proſtunt, expectandas . Quod diuinum conſilium quàm auidè BELLATOR EGREGIVS amplexus ſit; locupletiffimis exemplis eſt proditum . Teſtis eſt Angeriacenſis obſidio: illic enim in caſtris crebra paſſim altaria poſuit, tum vt vigiles dùm ſubirent, aut exirent è ſpecula, altaris opportunitas ad precantalliceret, tum vt poſteris teſtatum relinqueret, gaudere fortitudinem cum pietate connecti, eaſque mutuis auxilijs vtrinque iuari. Teſtes ſunt Nauarini, & Cleriaci deditiones; per illas enim armorum vi ſubactas Hæreticorum ciuitates, Chriſtum ſoleſſi pompa, nudo capite, pedileſequus, triumphantem inuexit . Sed hæc, quamuis magnâ, leuia ſunt; maiora enimuero commemoro . Cum alibi ſemper præclare, nuſquam tamen illuſtriùs quàm in ſani ſanctæ Fidei expugnatione pietas LVDOVICI ſe prodidit . Deſerebatur per publicas vias, & compta Phrygijs tapetibus conueſſita, deditionis author Chriſtus: ponè ſequebatur ALGIDES CHRISTIANIſſimus; cui cum innumera populi multitudo, quæ illuc Principi ſuo perduellionis hæreticæ domicori applauſura confluxerat, feſtis lætiæ voci.

vocibus; **VIVAT REX**, acclamaret: ipse indito silentio, prohi diuinam vocem! exclamauit: honores Principibus deferri solitos, premi omnes atque extingui præsenti diuini numinis oportere: quasi dixisset, nolite amabo hanc superis iniuriam facere? quid mihi festum Præna concinitis? nihil debet manibus meis victoria; non inficior ego pugnaui; sed Deus vicit: ars quidem Principum bellum est, sed victoria munus est cælitum: Hæresis se mihi dedit, sed tamen cæli virtuti succubuit: eò redeant applausus vnde fluxit victoria: Qualem Principem, Deus immortalis?

Intelligo iam profectò intelligo, ex illa cælesti institutione, & familiari pietatis consuetudine, cur in eius castris fieret stipendiaria temperatio, videretur in armis exercituum Deus, illicque prælianti clypei Demosthenis lemma, Themistoclis numina, & Cæsaris tessera militarent. Mirari iam desino, cur, vt coronas iuris probaret esse cælestis, & muneris, solenni voto, imperium, populos, sacramque maiestatem perpetuæ Virginis clientelæ consecraret. Hac magistra didicerat odisse Hæresim, Christianam Religionem propagare, in impietatem armari, & cruces illic erigere ad pietatis pompâ ubi fuerant oppressæ ad ignominiam. O pietatem, dignam quam oratores prædicent, immortalitas excipiat, & tota minorû nostrorû ventura posteritas veneretur! ò te, tali ac tanto Principe felicè Galliâ.

Ah.

Ah vulnus tetigi, erravi, pœnitet, dictum cor-
 rigo; te te potius infelicem Galliam tanto nunc,
 heu, Principe orbatam! Quo devenimus Aud. à
 funestam conuersionem! hic hæret lingua, hic
 deficit animus: confirma oratorem tuum PRIN-
 CEPS INVICTE: nam plus dandum est tuæ vir-
 tuti quàm meo dolori: quare, age, vt illo superis
 quidein digno, sed tamen luctuoso LVDOVICI
 cum morte luctantis spectaculo perfruamur, auda-
 cter quidem, non tamen sine dolore vulnus dete-
 go, vt dum ego extremos illius spiritus ore colle-
 gero, vos æstimatores integerrimi vitam cum mor-
 te conferatis, & de expressa vtriusque similitudine
 iudicetis. atque vt id præstare liceat accuratius,

Cogitate LVDOVICUM, bellatorem illum for-
 midandum onustum laureis; illum Hæreseos euer-
 sorem trophæis inclytum, illum urbium hostium-
 que domitorem victorijs immortalē: templorum
 decus, belli fulmen, Galliæ animam, aula Solem;
 in regio cubili lethali morbo decumbentem; ri-
 genti corpore, membris languidis, effœtis viribus,
 colore exangui, vultu pallido, genis reconditis,
 aridis labris, oculis caligantibus, pulsu alternanti,
 spiritu interrupto: hinc adest Regina, regis spon-
 sâ, parentis, filia, sororis, maiestas veneranda,
 in lacrymas diffusa, spreta forma, neglecto cultu,
 ad regis mariti latus aduoluta: illinc, gemini qua-
 tuor aut quinque annorum liberi Principes tot tan-
 torum

torumque hominum eiulatibus, & morientis parentis amantissimi præsentia prorsus attoniti: circumstant undique sapientissimi Senatus patres canitie venerandi, antistites illustrissimi, Principes nobilissimi, Duces fortissimi, inter gemitus & suspiria, LVDOVICVM, Optimum Principem, inter singultus & interruptas voces, Patrem clementissimum appellantes: nituntur ad lectum venerabundi Duces bellis inclyti, è remotissimis mundi partibus ad hoc triste spectaculum inopini reduces, & iam penè frigidam LVDOVICI manum aspergunt potius lacrymis, quàm osculantur: interea admonetur instare ultimam vitæ periodum, excedendum è statione, ad immortales laureas properandum. ad quas voces dum cæteri omnes altè ingemiscerent, ipse collectis viribus receptoque animo hilariter monentem amplexus; *Mihi quidem, ait, hac hora ex voto aduenit, morsque planè est in delicijs, eamus.*

Quid dicis LVDOVICE? illane vox hominis fracti cruciatibus, corporis imbecilli, animi doloribus consumpti, *Eamus*, inquit, sed quò tam alacriter REX INVICTE, bellum videris, aut victoriam meditari: ita est, *Eamus*, vocor ad certamen, manus cum morte conferendæ, properemus, properemus, sed quò? quò? quò Deus vocat, quò perrexere LVDOVICI, illuc ubi me præstolantur maiores fortunati, parentes felicissimi: pateat mihi
pateat.

pateat sacrum illud Sancti Dionysij templum , vt
parentum meorum Mausolea conspiciam , ecce
quò libens pergo , *hac erit mihi domus suprema , hac
statio ultima .*

Nullus ergo te , PRINCEPS FORTVNATIS-
SIME , detinet fortunę tuę florentis amor , nulla
glorię cupido , nullum viuendi desiderium : vbi
tuus in subditos amor , tua Gallię cura , tua regni
solicitude : sub te meret victoria , tibi seruit for-
tuna , quiescis in gremio felicitatis , *Eamus* . Num
te mouet hæredis tui infantuli ætas tenellula , Re-
ginę Augustissimę viduitas , subditorum maiestati
tuę deuotissimorum orbitas , *Eamus* , te Deus vltro
sequor quocumque vocas . At tam iusta Gallorum
omnium vota diuturniorem tibi vitam à superis
exorabunt ; viderit Deus , ego ab illius nutu totus
pendeo : & quando ad certamen cum hoste ipso-
rum etiam Cæsarum domitore luctaturus descen-
do , ego quidem , quod meum est , vt Christianus
Athleta , in omnia militię diuinę verba publico Sa-
cramento regiam fidem obstringo : vos vero ,
quod vestrum est , antistites religiosissimi , me via-
tico cælesti instruite , Christianis armis induite , &
ad tam felix tanti certaminis nuncium sacri Præanis
hymnum concinite : quòd si quis huc conscientię
liberioris abusu temerario spectator intrauit , è vesti-
gio pedem referat ; defixo tamen prius in hoc cu-
bile oculorum obtutu , vt intelligat Principes etiam
fortu-

fortunatissimos esse mortales. Vg nobis LVDO-
VICE quibus veriora cecinisti.

Vos interim Aud. LVDOVICI spirantis, &
morientis imaginem adumbrate. Pietatem feliciter
bellantis fortitudini cum morte luctantis opponi-
te, & obstupescite. An pietate mors vitę respon-
deat; ex tot virtutis illius exemplis quę moriens
reliquit, intelligite. Vnum hoc quo vitam obli-
gnavit religioni duxerim præterire: cum ducem il-
lum præstantissimum, qui FORTITVDINIS, à propria
potius virtute, quàm à familia, nomen obtinet;
per tot victorias quibus tam gloriosum nomen cu-
mulatiùs implevit, semel iterumque obsecrauit, ne
illustrem illum famę glorięque tot bellis partę
splendorem, Hæretica morte pateretur extingui:
restitutus se præclarissimè victurum si tam felix nun-
tium; aut sibi apud superos venisset, aut morien-
tem occupasset. Fortitudine autem, num morti
proximus, sibi adhuc vegeto, atque valenti sit si-
milis, vel hinc colligite: quòd licet iunctis copijs,
& communi contentione natura simul & fortuna
præstantis illius animi magnitudinem oppugna-
rent, & utraque exuendam purpuram, deponen-
dum diadema, abdicandum imperium, in cumulo
felicitatis, plenis fortuna velis, hærede quinquennj,
intentaret: steterit tamen ita inconcussus, vt in
tam graui certamine, nec naturæ cesserit, & for-
tunam.

tunam vicerit; non morbi doloribus fractus, non curis obrutus, non imminentis fati præsentia territus: quin immò in illis angustiis serena fronte, tranquillo animo, sermone affabili colloquebatur: alteri enim brachia sua, duo ille bellorum columnæ, illa imperij Gallici propugnacula, denudans, *vide*, aiebat, *ut arida, ut fracta, ut diuturnioris morbi doloribus consumpta? viden emarcuit caro? defloruit robur? languent nervi? nullus inest vigor? ossibus cutis hæret*. Alteri, pectus, Augustum illud pietatis sacrarium, inexpugnabile illud fortitudinis asylum, aperiens; *numera*, inquebat, *ossa? viden mortis rudimenta? sola pellis extenta superest? nullus calor, virtus restat nulla? languent omnia*. Denique utrique alternatim placidissimè subridens, & ad cælum oculos erigens, lætus, & alacer, ò rarum fortitudinis exemplum! exclamabat, *etiam principibus, natura necessitati, & mortis dominationi parendum est*. Sed quid tamdiu funestum casum dissimulo.

Hæc enim dicentem ita defecere vires, ut paulò post inter plenos amoris diuini gemitus, & cælestia suspiria, suam illam gloriosæ vitæ imaginem inuictō spiritu vegetans, defixo in cælum, quò pergebat, obtutu, postremum laborarit æternitati. Extrincto clausit oculos pietas, quæ si usque ad senectutem tutelam suam non produxerit, aut naturæ quæ vitium iam fecerat culpa est, aut Dei vigilantis arcanum.

Proh Manes Augusti doloris nostri numina ! ergo nunquam deinceps L V D O V I C E : milites illi tui gloriosi , vel te in confertas hostium acies sequentur intrepidi , vel applaudēt laureati ? ergo nunquam posthac domitis armorum potentia hostibus te tua feliciter reducem aspiciet Gallia ? ergo nunquam te totum populo tuo officiosis salutationibus diuidentem ; te nunquam aris affusum , te nunquam ad Virginis pedes supplicem admirabimur ? proh dura necessitas .

Vixit ergo Princeps ille maximus , quem timuit Hærescos Larva , vt Herculem , quem secuta est Galliæ nobilitas , vt Martem , & quem nos extinctum veneramus , vt solem : quem in hoc verè retulit , quòd moriens , sicut sol dum occidit , alijs lucem ademerit , alijs reddiderit : hoc tamen , proh dolor ! dissimilis , quòd , sicut sol , non quotidie reuixerit .

Ita est , defuncti sui dolori verba , vixisti L V D O V I C E . Nec mortem tuam querimus : frustra enim , sæpius , mortem , nec famæ tubam , nec Heroum nostrorum laureas curasse dolumus : cum parentes illi tui non tam nomine , quàm virtutibus magni , Caroli , & Henrici , post immortalia facinora tandem inuenti sunt homines . Neque tibi immaturam ducimus , probè gnari non raro apud superos pro annis virtutes præclaraque facinora numerari , & pietatem pro tempore computari . Te nobis tantum
impor-

importunè præcoci funeris æcerbitate lugemus ereptum : si tamen ereptus es , & non in Augusta illa sobolis tuæ maiestate rediuius .

VIVE REX INCLYTE : iam nunc quinquennis Eroe , adolesce , ut pater , in victorijs : ut cum eam quam tibi ex animo apprecamur longissimam ætatem , & felicitatem , vitæ satur attigeris , lauto Caroli Magni more senescas in palmis . Dixi :

L A V S D E O .